



Акафист

святителю Никите, епископу

Новоградскому, чудотворцу

Кондак 1

Возбранный воеводо и па́стырю священнейший
Вели́каго Нова́града, Це́ркве утвержде́ние,
Христо́в иерарше Никито́, прими́ от нас
усердно приносима́я тебе́ благохваления́ и
твоими́ моли́твами от бе́д и напа́стей избавля́й
всегда́ любви́ю тебе́ зову́щих:

Ра́дуйся, тёплый заступниче́ наш Никито́,
святителю́ предивный.

Икос 1

А́нгел во плоти́ на земли́ яви́лся еси́ воистинну
чудный Никито́, с плоти́ю бо́ яко́ безплóтен
пожи́л еси́, те́мже, со безплóтными ны́не
водворя́ясь, прими́ от нас земно́родных пе́снь
сию́:

Ра́дуйся, Никито́, А́нгелов равносто́ятелю.

Ра́дуйся, иерарше́, преподо́бных сожи́телю.

Ра́дуйся, вла́сть пасти́ словесны́я о́вцы от
Бо́га прия́вый.

Ра́дуйся, све́том твои́х уче́ний па́ству твою́
осия́вый.

Ра́дуйся, предивны́й целому́дрия храните́лю.

Ра́дуйся, по́стническаго жити́я и́стинный
любителю́.

Ра́дуйся, светоза́рная мо́лние, Но́вград
Вели́кий ве́село озаря́ющая.

Ра́дуйся, луче́ светосия́нная, де́монскую тму́
разгоня́ющая.

Ра́дуйся, ра́дости ве́рным пода́телю.

Ра́дуйся, в печа́лех и боле́знях на́ших ско́рый
предста́телю.

Ра́дуйся, те́плый заступни́че на́ш Ники́то,
святите́лю предивны́й.

Конда́к 2

Ви́дяще стра́нный и чу́дный жити́я твоего́ о́браз,
Христо́в святите́лю Ники́то, вельми́ удивля́емся,
размышля́юще же твоя́ многотру́дныя по́двиги,
поём Бо́гу на сия́ тебе́ укрепив́шему: Аллилу́ия.

И́кос 2

Ра́зум Божéственнѣй пода́ждь на́м свѣ́ше,
иерáрше, да возмóжем по достоя́нию восхва́лити
добродéтельное твоé житиé, тебé же любóвию
вопíти:

Ра́дуйся, мно́гими добродéтелями проси́явѣй.

Ра́дуйся, плóти твоея́ желáния обузда́вѣй.

Ра́дуйся, ра́зум тво́й в послуша́ние вѣры
плени́вѣй.

Ра́дуйся, сёрдце твоé ч́исто сохрани́вѣй.

Ра́дуйся, ра́зумом Христо́вым обогати́вѣйся.

Ра́дуйся, я́ко а́нгел в жити́и твоём яв́ивѣйся.

Ра́дуйся, разруш́ителю страсте́й
душетлénных.

Ра́дуйся, сокрови́ще словéс богодухновénных.

Ра́дуйся, грóзное бесóвское устраше́ние.

Ра́дуйся, пречúдное в челове́цах удивлénие.

Ра́дуйся, тёплый заступ́ниче на́ш Никíто,
святителю́ предивнѣй.

Конда́к 3

Си́ла Вы́шняго от ю́ности осени́ тя́, богомúдре, и
показа́ селénие и до́м Ду́ха Всесвята́го, Емúже и

о нас помоли́ся, о́тче че́стне, ты́ у́блажа́ющих,
Бо́гу же зову́щих: Аллилу́ия.

И́кос 3

Иму́ще вели́ка ты́, о Ники́то, засту́пника и
ско́раго в напа́стех помо́щника, моле́бно тебе́
призыва́ем и с весе́лием к па́мяти твоёй
воспева́ем:

Ра́дуйся, ско́рый послу́шателю к тебе́
прибега́ющих.

Ра́дуйся, скорбя́щим душа́м утеше́ние.

Ра́дуйся, отча́янных исправле́ние.

Ра́дуйся, Судию́ Пра́веднаго за грёшныя лю́ди
умоля́яй.

Ра́дуйся, чту́щая ты́ от печа́ли и бе́д
избавля́яй.

Ра́дуйся, уныва́ющих всежелáнный
посетите́лю.

Ра́дуйся, недужных ми́лостивейший
целите́лю.

Ра́дуйся, уго́днице Христо́в преизря́дный.

Ра́дуйся, цве́те райский прекра́сный.

Ра́дуйся, тёплый засту́пниче наш Ники́то,
святите́лю предивный.

Кондак 4

Бу́рю страсте́й многомяте́жнаго ми́ра
возненави́дев, о́тче, все́х красо́т его́ устрани́лся
еси́, во оби́тель же всели́вся и а́нгельский чи́н
воспри́йм, со А́нгелы пѣл еси́ Христо́ви:
Аллилу́ия.

И́кос 4

Слы́шав христоподража́тельную жи́знь
богоно́сных и вели́ких о́тец, те́м в житии́
уподо́битися возревновáл еси́, сего́ ра́ди в затво́р
всели́вся, сугу́бым по́двигом себѣ преда́вши,
те́мже досто́йно слы́шиши:

Ра́дуйся, подви́жнице Бо́жий
преусерднейший.

Ра́дуйся, мона́шествующих превели́кая сла́во.

Ра́дуйся, святы́х пустынножи́телей
добродетельными обогати́выйся нра́вы.

Ра́дуйся, равноа́нгельно Бо́гу послужи́вый.

Ра́дуйся, А́нгелом ра́вную и че́сть получи́вый.

Ра́дуйся, до́блй ино́ческих по́двигов
ревни́телю.

Ра́дуйся, усердны́й Христо́вых за́поведей
исполни́телю.

Ра́дуйся, вра́жиих наветов бо́дрый прогонителю.

Ра́дуйся, совершенства христиа́нского изящнейший учителю.

Ра́дуйся, тёплый заступниче наш Никито, святителю предивный.

Кондак 5

Боготечнаго твоего жития не терпя, человеконенавистник искушение льстиво тебе подлагает, во образе ангела тебе явился и престати молиться научив: ты же аще и прельщен был еси хитростию его, обаче не до конца погибл еси во искушении; молитвами бо братии спасен, Христу вопиял еси: Аллилуия.

Икос 5

Видяще иноцы странную вещь на тебе являемую, яко от ветхих токмо Божественных Писаний к тебе приходящих поучаеши, от Новаго же Завета ничесоже глаголя, уразумеша прельщена быти тя, преподобне, сего ради общую о тебе молитву сотворше, диавола отгоняют и из затвора изводят тя. Мы же тебе, яко самому искушену бывшу и нам искушаемым помогати могущу, не престаем звати:

Ра́дуйся, от врага́ человекоуби́йцы лю́те
пострада́вый.

Ра́дуйся, всю́ глубинú бесо́вския лэ́сти на себе́
испыта́вый.

Ра́дуйся, моли́твами подви́жников от ро́ва
поги́бели восхище́нный.

Ра́дуйся, от рабо́ты диа́воли Го́сподем
освобо́ждённый.

Ра́дуйся, на невиди́мыя враги́ и на́м кре́пкий
помощни́че.

Ра́дуйся, во искуше́ниях жите́йских
всегда́шний на́м пособо́нниче.

Ра́дуйся, прило́г вся́каго зла́ от чту́щих тя́
отража́й.

Ра́дуйся, все́му благо́му вход отве́рзая́й.

Ра́дуйся, бесо́вския си́лы кре́пкое
низложе́ние.

Ра́дуйся, грехми́ пове́рженных твёрдое
возведе́ние.

Ра́дуйся, тёплый засту́пниче на́ш Ники́то,
святите́лю предивный.

Кондак 6

Проповѣдницы твоего спасения бывше иноцы Печерстии, от диавола тя исхитивше, на истинный путь наставляють: ты же, отче Никито, познав горькое твое прельщение, покаяние со слезами Богу принёс еси, моляся и зовый: Аллилуия.

Икос 6

Возсиял еси, яко светозарное солнце на тверди церковней, диавола искушения избег и постническими подвиги укрепився: темже и нас наветов лукаваго свободи, да зовем ти:

Радуйся, крест твой терпеливно на раме носивый.

Радуйся, мысленнаго тем Амалика низложивый.

Радуйся, дарования Божественнаго Духа приявый.

Радуйся, в житии страдающим милостивно помогай.

Радуйся, тепле к тебе притекающих треволения страстей изменяй.

Радуйся, обидимых скорый заступниче.

Ра́дуйся, обурева́емых благопопечи́тельный
защи́тнице.

Ра́дуйся, бы́стрый спаси́телю в напа́stech
су́щим.

Ра́дуйся, скоропредста́тельный помо́щнице
зову́щим.

Ра́дуйся, тёплый засту́пнице на́ш Ники́то,
святите́лю предивный.

Конда́к 7

Хотя́ Христо́с Госпо́дь, Вели́кий Архиере́й,
святительскою украси́ти тя́ вла́стию, на
свяще́нный престо́л Вели́каго Нова́града
возво́дит тя́, на нём же возсе́д, свети́ло
многосве́тлое гра́ду твоemú яви́лся еси́, все́х
просвеща́я и зва́ти Бо́гу навча́я: Аллилу́ия.

И́кос 7

Но́вград Вели́кий прии́м тя́ от Го́спода па́стыря
и учи́теля, ра́довашеся, преподо́бне, зря́ твои́х
добродете́лей исправле́ние, и в пе́снях
свяще́нных доны́не взыва́ем тебе́:

Ра́дуйся, учи́телю свяще́нейший, от Бо́га
на́м дарова́нный.

Ра́дуйся, архиере́ю Бо́жий святы́й
предызбра́нный.

Ра́дуйся, усердный благоверия поборниче, и
уме высочайший.

Ра́дуйся, Христо́вых велений проповедниче
сладчайший.

Ра́дуйся, Великаго Новаграда пречудное
украшение.

Ра́дуйся, безкровныя жертвы непорочно Бо́гу
приносивый.

Ра́дуйся, в вере Православней па́ству твою́
утвердивый.

Ра́дуйся, яко мно́гия просветил еси́ твоим
архипа́стырским сло́вом.

Ра́дуйся, святителю, и нас твоих ча́д сподоби
ста́ти пред Бо́жиим престоло́м.

Ра́дуйся, тёплый заступниче наш Ники́то,
святителю предивный.

Конда́к 8

Стра́нно Бо́га вочеловечшася нашего ра́ди
спасения па́стве твое́й пропове́дал еси́, Ники́то,
и идо́льских суеве́рий мрак разгна́л еси́,
Ипостасней Премудро́сти зовый: Аллилу́ия.

И́кос 8

Весь бы́л еси́ все́м в па́стве твое́й ско́рый
помощник, свя́тителю, засту́пник оби́димым,
ни́щим пита́тель, си́рым и вдови́цам защи́тник,
на похвалу́ все́х подви́зая вопи́ти тебе́:

Ра́дуйся, во вся́ких ну́ждах ско́рое
поможе́ние.

Ра́дуйся, в печа́лах бы́строе утеше́ние.

Ра́дуйся, от оби́д и озлобле́ний свобо́ждай.

Ра́дуйся, о́гненнаго запале́ния град тво́й
избавля́й.

Ра́дуйся, ми́лости сокрови́ще многоце́нное.

Ра́дуйся, бога́тство на́м подава́й нетле́нное.

Ра́дуйся, обуре́ваемых приста́нище ти́хое.

Ра́дуйся, гони́мых и оби́димых прибе́жище
вели́кое.

Ра́дуйся, мно́гия лю́ди от поги́бели
исхи́тывый.

Ра́дуйся, о́вцы твоя́ от во́лка лю́таго
сохрани́вый.

Ра́дуйся, те́плый засту́пниче на́ш Ники́то,
свя́тителю предивный.

Кондак 9

Всякий род и возраст верных Великаго Новаграда усердно чтит светлый день твоея памяти, святителю Никито, в оныже собравшися молебно зовем ти: буди нам в печалех утешитель, в озлоблениих помощник, в болезнях врач скорый, да тобою злых избавльшися радостно зовем: Аллилуия.

Икос 9

Ветийствующий язык не может по достоянию изобразити все величие любве твоея к твоему словесному стаду, приснопамятне, не точию бо во временней твоей жизни, но и к небесным отшед, отечески назираеши всех вопиющих к тебе с любовью таковая:

Радуйся, наставниче превеликий спасения.

Радуйся, согрешающих исправление.

Радуйся, земныя сласти презревый.

Радуйся, в горния обители возлетевый.

Радуйся, Церковь Новаграда святительством украсивый.

Радуйся, чад твоих богомудренными глаголы просветивый.

Ра́дуйся, лю́бящих тя́ неизрече́нныя
исполня́яй ра́дости.

Ра́дуйся, я́ко твои́ми моли́твами ве́чныя
сме́рти свобо́ждаемся.

Ра́дуйся, те́плый засту́пниче на́ш Ники́то,
святите́лю предивный.

Конда́к 10

Спасти́ся хотя́ще ве́рнии от бе́д и скорбе́й, ко
гробу́ твоemú свяще́нному моле́бно притека́ем.
Ты́ же, о чудотво́рче святы́й, помози́ на́м,
немо́щным, утоли́ ско́рбь на́шу и на пу́ть пра́вый
заблужда́ющих наста́ви нас, да спасе́ннии
тобо́ю, хвале́бными гла́сы зове́м: Аллилу́ия.

И́кос 10

Стена́ необори́мая и покрóв ты́ еси́, о́тче, все́м
челове́ком с ве́рою к тебе́ прибега́ющим, те́мже
и на́м, прося́щим твоего́ заступле́ния, бу́ди
огражде́ние кре́пкое, да в тебе́ утвержда́ющесея
всегда́ вопие́м:

Ра́дуйся, бе́ды и печа́ли от лю́бящих тя́
отгоня́яй.

Ра́дуйся, все́м тебе́ призыва́ющим ско́рую
по́мощь подава́яй.

Ра́дуйся, крѣпосте и огражде́ние
благочестивых.

Ра́дуйся, гро́зный наказателю нечестивых.

Ра́дуйся, от честныхъ мо́щей исцелѣние
неоску́дно источая́й.

Ра́дуйся, жела́емых намъ бла́г насадителю.

Ра́дуйся, находящихъ напáстей отгонителю.

Ра́дуйся, наде́ющихся на тя́ защище́ние.

Ра́дуйся, ду́ш нашихъ сладкое утешѣние.

Ра́дуйся, тёплый заступниче нашъ Никито́,
святителю предивный.

Конда́к 11

Пѣ́ния всеумилѣнная приноша́ху тебѣ лю́дие
Новоградсти́и во обрѣ́тении твои́х
многоцеле́бныхъ мо́щей, святителю́, от нихъ же и
чудеса́ вѣ́лия с вѣро́ю приходя́щимъ явилъ еси́,
Бо́гу, во святы́х Свои́хъ Дивному́ научая́ пѣти:
Аллилу́ия.

И́кос 11

Светопріѣ́мную свещу́, на свѣ́щнице гра́да
нашего́ возсия́вшую, зрѣ́м тебѣ́,
всесвяще́ннейший́ о́тче Никито́, блиста́ниемъ бо
чудесъ́ все́хъ озаря́еши, любóвию тебѣ́ зову́щихъ:

Ра́дуйся, звездо́ небосвѣтлая, от ю́га Росси́и
возсия́вшая.

Ра́дуйся, Но́вград Вели́кий сия́нием твои́м
облиста́вшая.

Ра́дуйся, во свѣте невечѣрном обита́й.

Ра́дуйся, и на́м во мра́це грехо́внем
блужда́ющим просвѣще́ние низпосыла́й.

Ра́дуйся, свеще́, Божѣственным пла́менем
возжже́нная.

Ра́дуйся, свети́льниче Христо́в дѣмонскими
вѣтры не угаше́нный.

Ра́дуйся, е́гоже восходя́ща на го́рняя А́нгели
срето́ша.

Ра́дуйся, е́муже райская врата́ с весе́лием
отверзо́ша.

Ра́дуйся, со Христо́м ликовству́й во сла́ве.

Ра́дуйся, Триси́янная За́ри наслажда́йся
я́ве.

Ра́дуйся, те́плый заступни́че на́ш Ники́то,
святите́лю предивный.

Конда́к 12

Благода́ть Божѣственную испроси́ на́м у Спа́са
Христа́, о́тче преподо́бный, простри́ на́м ру́ку

пóмощи, покрый нас тёплым твоим заступлением, и вѣчныя радости сподоби достигнути, да с тобою во вѣки веков вопиём: Аллилу́ия.

И́кос 12

Поюще твоя доблественныя подвиги, ублажаем достохвальную кончину, торжествуем же и память твою священную, преподобне, и, чудящися житию твоему, похвальная тебе вопиём:

Ра́дуйся, в горния обители превознесённый.

Ра́дуйся, в небесныя чертоги со славою введённый.

Ра́дуйся, славы отцев преискренне возжелавый.

Ра́дуйся, премирное наследие богато восприявый.

Ра́дуйся, святительским венцем увенчанный.

Ра́дуйся, за чтущих тя молитвенниче неустанный.

Ра́дуйся, посетителю в немощех лежащих.

Ра́дуйся, утешителю унылых и скорбящих.

Ра́дуйся, с небесных кругов на моления наша милостивно призира́яй.

Ра́дуйся, чту́щих тя проше́ния ско́ро исполня́яй.

Ра́дуйся, тёплый заступниче наш Никито, святителю предивный.

Конда́к 13

О, всехва́льный и предивный святителю Христо́в Никито! Приими́ усердно ма́лое си́е, от нас грешных приносимо́е, моление́ и потщи́ся ско́ро умоли́ти Бо́га и Влады́ку, да изба́вит нас от всяких бе́д и озлобле́ний и бу́дущия му́ки свободи́т зову́щих: Аллилу́ия.

Се́й конда́к глаго́ли три́жды. И па́ки чтётся 1-й и́кос и конда́к 1-й.

Моли́тва

О архиере́ю Бо́жий, святителю Никито, услы́ши нас, грешных ра́б твои́х, стéкшихся дне́сь в священны́й хра́м се́й, моля́щихся тебе́ и к свяще́нной твоёй ра́це притека́ющих, и умиле́нно вопию́щих: я́коже се́дя на престо́ле святительства́ в Вели́ком Нове́граде се́м, и еди́ною належа́щу бездо́ждию, до́ждь моли́твами свёл еси́, и па́ки граду́ сему́ о́гненным пла́менем

обше́дшу, моли́твою пла́мень о́гненный угаси́л еси́. И ны́не мо́лим тя́: о святи́телю Христо́в Ники́то, моли́ся ко Го́споду, е́же изба́вити Вели́кий гра́д Но́вград се́й и вся́ гра́ды и страны́ христиа́нския от тру́са, пото́па, гла́да, огня́, гра́да, мечá и от все́х враго́в ви́димых и неви́димых, я́ко да избра́нных ра́ди моли́тв твои́х спаса́еми, сла́вим Пресвяту́ю Тро́ицу, Отца́, и Сы́на, и Свята́го Ду́ха и твоё ми́лостивное предста́тельство, ны́не и при́сно, и во ве́ки веко́в. Ами́нь.

